



## **TOSHKENT DAVLAT YURIDIK UNIVERSITETI REKTORINING B U Y R U G ' I**

22.11.2024

838-tm-son

### **Talabaga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va ichki tartib qoidalarini buzish holatlari kuzatilmoqda.

Xususan, 2024-yil 24-oktyabr kuni Jinoiy odil sudlov fakulteti 1-kurs V potok 2-guruh talabalari Boboniyozov Bobirbek Baxodirovich va Boboxonova Asal Muxiddinovna telegram messenjeri orqali bir-birlari bilan o'zaro og'zaki urushib bir-birlarini haqorat qilishgan. Xususan, talaba A.Boboxonova kursdoshi B.Boboniyozovga telegram messenjeri orqali yozma va audio shaklda turli uyatsiz va haqoratli so'zlarni yuborgan. Bunga javoban talaba B.Boboniyozov ham kursdoshi A.Boboxonovaga uyatsiz va haqoratli so'zlar bilan javob qaytargan.

Talabalar Boboniyozov Bobirbek Baxodirovich va Boboxonova Asal Muxiddinovnalar o'zlarining xatti-harakatlari bilan TDYU Odob-axloq kodeksi 15-moddasi ikkinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan universitet haqida yuksak ijobiy taassurot uyg'otish), 17-moddasi birinchi qismi uchinchi xatboshisi (janjallashish), 18-moddasi birinchi qismi (talabalarining o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi), 26-moddasi ikkinchi qismi uchinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish) da ko'rsatib o'tilgan qoidalarni buzishgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2023-yil

31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda Jinoiy odil sudlov fakulteti dekani D.Kamalovning bildirgisiga muvofiq,

## **BUYURAMAN:**

1. Jinoiy odil sudlov fakulteti 1-kurs talabalari niyozov Bobirbek Baxodirovich va Boboxonova Asal Muxiddinovnaga universitet Odob-axloq kodeksining 15-moddasi 2-xatboshisi, 17-moddasi 1-qismi, 3-xatboshisi, 18-moddasi 1-qismi, 26-moddasi 2-qismi 3-xatboshisi talablarini buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):  
mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

Dekan o‘rinbosari

D.MAMASOBIROV



### **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Direktor

SH.PO‘LOTOV



Katta yuriskonsult

A.TURSUNOV

